

13.09.2018. / 14:34h BiH - Sarajevo i Banja Luka

## Ruski ministar Lavrov u nedjelju stiže u BiH



Sergej Lavrov / Vijesti.ba

**Ministar vanjskih poslova Rusije Sergej Lavrov boraviće u dvodnevnoj posjeti Bosni i Hercegovini, 16. i 17. septembra, saopšteno je iz Ministarstva vanjskih poslova BiH.**

Lavrov će stići prvo u Sarajevo, gdje će se susresti sa bh, šefom diplomatije Igorom Crnatkom, a dan kasnije će posjetiti Banjaluku.

Posjeta ruskog šefa diplomatije bila je tema susreta Igora Crnatka sa ruskim ambasadorom u Bosni i Hercegovini Petrom Ivancovim u četvrtak u Sarajevu.

"Ministar Crnadak je tokom razgovora rekao da će posjeta ministra Lavrova imati veliki značaj za budući razvoj bilateralnih odnosa, te je izrazio posebno zadovoljstvo zbog najavljene posjete ministra Lavrova Banjaluci i prisustva ceremoniji polaganja kamena temeljca za izgradnju rusko-srpskog kulturnog centra", navodi se u saopštenju za javnost upućenog iz kabineta Crnatka.

Ministar vanjskih poslova BiH Igor Crnadak će u subotu, uoči dolaska Lavrova, u Banjaluci održati konferenciju za novinare.

(Vijesti.ba)